

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINSKI SUD U TUZLI
Broj: 32 0 St 498706 25 St
Datum: 04.08.2026. godine

Općinski sud u Tuzli, stečajni sudija Vedran Milašinović, u stečajnom postupku nad imovinom pravnog lica „VIRAL MEDIA“ d.o.o. privredno društvo za zapošljavanje osoba sa invaliditetom Živinice, u stečaju, ul. Sprečka broj 5, dana 04.08.2026. godine donio je slijedeće

RJEŠENJE

- I OTVARA SE stečajni postupak nad imovinom dužnika „VIRAL MEDIA“ d.o.o. privredno društvo za zapošljavanje osoba sa invaliditetom Živinice, u stečaju, ul. Sprečka broj 5, matični broj subjekta; 32-01-0015-14, JIB; 4210136090002, broj glavnog računa: 1941109252900174 kod Procredit Banka d.d. Sarajevo.
- II Stečajni postupak se otvara sa danom 04.08.2026. godine u 14,00 sati, kada se rješenje o otvaranju stečajnog postupka ističe na Oglasnoj tabli suda.
Oglas o otvaranju stečajnog postupka objaviće se u „Službenim novinama FBiH“.
- III Za stečajnog upravnika imenuje se Adil Bašić iz Tuzle, ul. Klosterska 7.
- IV Pozivaju se povjerioci da u roku od 30 dana, od dana objavljivanja oglasa o otvaranju stečajnog postupka u „Službenim novinama F BiH“ prijave svoja potraživanja stečajnom sudu dostavom prijave i priloga u dva primjerka u skladu sa odredbama Zakona o stečajnom postupku o prijavi potraživanja (član 110. Zakona), te prilože dokaz o uplaćenju sudskoj taksi na prijavu potraživanja u iznosu od 1% od vrijednosti potraživanja, s tim da taksa ne može biti manja od 50,00 KM, niti veća od 10.000,00 KM, na žiro račun broj: 1321000256000080 – Vrsta prihoda: 722221 Budžet Tuzlanskog kantona.
- V Pozivaju se povjerioci da u roku od 30 dana, od dana objavljivanja oglasa o otvaranju stečajnog postupka u „Službenom novinama F BiH“, stečajnog upravnika obavijeste koja prava osiguranja potražuju na predmetima imovine stečajnog dužnika. Potrebno je navesti predmet na kome se potražuje pravo osiguranja, vrstu i razlog nastanka prava osiguranja kao i osigurano potraživanje.
- VI Pozivaju se lica koja imaju obaveze prema stečajnom dužniku da ih bez odlaganja izvrše.
- VII Otvaranje stečajnog postupka ima se upisati u Registar poslovnih subjekata Općinskog suda u Tuzli, zk ured Općinskog suda u Živinicama, Službe za geodetske i imovinsko-pravne poslove Grada Živinice.
- VIII Skupština povjerilaca (ispitno ročište) na kom će se ispitati prijavljena potraživanja zakazuje se za dan 08.10.2026. godine u 09.00 sati, u zgradi Općinskog suda u Tuzli, ul. ZAVNOBIH-a bb, sudnica S4-prizemlje.
- IX Skupština povjerilaca (izvještajno ročište) na kome će se na osnovu izvještaja stečajnog upravnika odlučiti o daljem toku stečajnog postupka održat će se istog dana nakon ročišta za ispitivanje prijava potraživanja.

Obrazloženje

„VIRAL MEDIA“ d.o.o. privredno društvo za zapošljavanje osoba sa invaliditetom Živinice, u stečaju, ul. Sprečka broj 5, kao dužnik, podnio je dana 15.12.2025. godine ovom sudu prijedlog za otvaranje stečajnog postupka nad ovim pravnim licem, zbog platežne nesposobnosti stečajnog dužnika, temeljem odredbe člana 4 i člana 6 Zakona o stečaju („Sl. novine FBiH“, broj 53/2021).

Nakon razmatranja prijedloga sud je rješenjem od 20.04.2026. godine pokrenuo prethodni postupak radi utvrđivanja uslova za otvaranje stečajnog postupka i imenovao privremenog stečajnog upravnika temeljem odredbe člana 60, 61 i 63 Zakona o stečaju.

Privremeni stečajni upravnik u spis suda dostavio je izvještaj o provedenom prethodnom postupku sa nalazom i mišljenjem na okolnosti postojanja razloga za otvaranje stečajnog postupka. Temeljem član 102 stav 1 Zakona o stečaju zakazano je ročište radi ispitivanja uslova za otvaranje stečajnog postupka i rasprave o izvještaju privremenog stečajnog upravnika.

U izvještaju i na ročištu privremeni stečajni upravnik Adil Bašić je naveo da je „VIRAL MEDIA“ d.o.o. privredno društvo za zapošljavanje osoba sa invaliditetom Živinice od osnivanja uspješno poslovalo do 2023.godine, da bi nepremostive poteškoće u poslovanju nastale 2025. godine, kada je društvo i prestalo poslovati zbog neostvarivanja poslovnih prihoda od registrovane djelatnosti, a dana 10.12.2025.godine društvo je donijelo odluku o prestanku poslovanja. Privredno društvo nema izgleda za oporavak u poslovnom smislu u narednom periodu zbog povećanja gubitka u poslovanju, a proknjižene obaveze u bilansima stanja na dan 31.12.2025.godine koje su u skladu sa Zakonom o računovodstvu i reviziji predate Finansijsko informacionoj agenciji Bosne i Hercegovine iznose ukupno 301.399,00 KM, od čega se na kratkoročne finansijske obaveze odnosi iznos od 216,106,00 KM, dok se na dugoročne finansijske obaveze odnosi iznos od 85.293,00 KM. Bankovni računi društva su blokirani, ekonomsko stanje je loše, a poslovanje je od 2025. godine potpuno obustavljeno. Društvo ima jedno zaposleno lice na dan 05.05.2026.godine. Društvo je vlasnik pokretne imovine – mini traktor za košenje trave i stalna sredstva u vidu uredske opreme (stolice, stolovi, računari i ostalo). Društvo u svom vlasništvu ima nepokretnu imovinu upisanu u Katastarskoj općini Živinice Grad, i to parcelu 305/1- „Raškovica“, oranica/ njiva I klase, površine 2499 m2, upisanu u Posjedovni list broj: 10536 i zemljišnoknjižni uložak broj 1652, na kojoj je društvo „Viral Media“ d.o.o. Živinice upisano sa pravom posjeda i vlasništva 1/1. Na navedenoj nekretnini upisana je hipoteka u korist ProCredit Bank d.d. Sarajevo, kao i zabilježba Rješenja o izvršenju Općinskog suda u Živinicama broj: 33 0 Ip 105742 25 Ip od 19.11.2025.godine. Društvo je upisano kao vlasnik i posjednik sa 1/1 na parceli 305/2 – „Raškovica“ oranica/njiva I klase, površine 1117 m2 upisane u Posjedovni list broj 10536 i zemljišnoknjižni uložak broj 10241, a na kojoj je upisana hipoteka u korist ProCredit Bank d.d. Sarajevo i zabilježba Rješenja o izvršenju Općinskog suda u Živinicama broj: 33 0 Ip 105742 25 Ip od 19.11.2025.godine. Također, društvo ima parcelu 307/9- „Raškovica“, oranica/ njiva II klase, površine 1022 m2 upisane u Posjedovni list broj: 10536 i zemljišnoknjižni uložak broj: 3493 na kojoj je upisano kao posjednik i vlasnik 1/1, na kojoj je upisana hipoteka u korist Probank d.d. Sarajevo i zabilježba Rješenja o izvršenju Općinskog Suda u Živinicama broj: 33 0 Ip 105742 25 Ip od 19.11.2025.godine. Društvo ima i nepokretnu imovinu za koju je zaključen Ugovor o kupoprodaji i koja je plaćena, ali ista još nije uknjižena na Društvo. Radi se o nekretninama u katastarskoj općini Živinice Grad, i to : parceli 302- „Prolaz“ prilazni put, površine 112 m2 upisane u Posjedovni list broj 931 i zemljišnoknjižni uložak broj: 6738, parceli broj 303- „Dvorište“ dvorište kuća i zgrada, površine 487 m2 upisane u Posjedovni list broj 931 i zemljišnoknjižni uložak broj: 6738 i parceli 304- „Bašta“ Oranica/njiva II klase, površine 548 m2 upisane u Posjedovni list broj 931 i zemljišnoknjižni uložak broj: 6738. Na navedenim nekretninama kao vlasnik i posjednik je upisan na „Josipović (Ilija) Zoran“, a na istima je upisana hipoteka u korist ProCredit Bank d.d. Sarajevo.

Privremeni stečajni upravnik je dao mišljenje da dužnik ima značajan dio nepokretne imovine i manji dio pokretne imovine, čijim bi se unovčenjem mogli pokriti troškovi stečajnog postupka i djelimično namiriti povjerioci stečajnog dužnika, da ne postoje uslovi da se nastavi poslovanje djelimično ili u cjelosti, niti uslovi za moguću reorganizaciju društva, te da se može otvoriti stečajni postupak, da je on dopušten i da postoji stečajni razlog.

Na ročištu dana 28.07.2026.godine radi raspravljanja o izvještaju zastupnik dužnika nije imao primjedbi na izvještaj privremenog stečajnog upravnika.

Odredbom člana 102 stav 6 Zakona o stečaju je propisano da stečajni sudija otvara stečajni postupak nad imovinom stečajnog dužnika ako je prijedlog dopušten, ako postoji stečajni razlog i ako će imovina stečajnog dužnika prema predviđanju biti dovoljna da namiri troškove postupka.

Prvenstveno, u konkretnom slučaju, sud utvrđuje da je prijedlog za otvaranje stečajnog postupka dopušten, jer je podnesen od strane stečajnog dužnika, kao lica koje je ovlašteno da podnese prijedlog u smislu odredbe člana 6 stav 6 Zakona o stečaju.

Takođe, imajući u vidu da su računi dužnika blokirani od 14.04.2025. godine, postoji platežna nesposobnost dužnika u smislu člana 6 stav 5 tačka 2 Zakona o stečaju, a koja predstavlja razlog za otvaranje stečaja u smislu člana 6 stav 2 tačka 1 istog zakona. S obzirom da prema odredbi člana 6 stav 5 tačka 2 Zakona o stečaju platežna nesposobnost postoji ukoliko je račun društva blokirao 60 dana neprekidno, u konkretnom slučaju ima se smatrati da je platežna nesposobnost nastupila dana 14.06.2025. godine. Iz izvještaja privremenog stečajnog upravnika proizilazi da se iz imovine mogu pokriti troškovi otvaranja stečaja.

Slijedom navedenog, sud nalazi da su ispunjeni svi uslovi propisani odredbom člana 102 stav 6 Zakona o stečaju za otvaranje stečajnog postupka.

Odluku o imenovanju stečajnog upravnika, sud je donio temeljem odredbe člana 104 stav 2 tačka b Zakona o stečaju, a nakon što je utvrdio da isti ispunjava uslove utvrđene odredbom člana 71 Zakona o stečaju, uz obavezu stečajnog upravnika da bez odlaganja dostavi izjavu stečajnom sudu da nema smetnji za njegovo imenovanje smislu člana 76 Zakona o stečaju, a što je propisano članom 78 stav 3 tačka i) istog zakona.

Sud je odluku o određivanju ročišta za ispitivanje prijavljenih potraživanja i izvještajnog ročišta, donio temeljem člana 106 Zakona o stečaju.

Odluku o objavljivanju otvaranja stečajnog postupka, sud je donio temeljem člana 105. stav 1. Zakona o stečaju.

Temeljem odredbe člana 105. Zakona o stečaju, sud je uputio odgovarajuće pozive povjeriocima i dužnicima stečajnog dužnika.

Upis otvaranja stečajnog postupka u javne registre određen je temeljem odredbe člana 108 stav 1 tačka a Zakona o stečaju.

STEČAJNI SUDIJA
Vedran Milašinović

POUKA O PRAVNOM LIJEKU: Protiv ovog rješenja je dozvoljeno izjaviti žalbu, u roku od osam dana od dostavljanja, koja se podnosi Kantonalnom sudu u Tuzli, a putem Općinskog suda u Tuzli, u četiri primjerka. Žalba ne odlaže izvršenje rješenja (član 109 Zakona o stečaju).